



<p>Կազմված է 23.06.2018թ.</p> <p>Ընդունված է «ՀԱՅՈՑ ԱՐԾԻՎՆԵՐ. ՄԻԱՍՆԱԿԱՆ ՀԱՅԱՍՏԱՆ» կուսակցության հիմնադիր համագումարի որոշմամբ 23 հունիսի 2018թ.</p> <p>«ՀԱՅՈՑ ԱՐԾԻՎՆԵՐ. ՄԻԱՍՆԱԿԱՆ ՀԱՅԱՍՏԱՆ» կուսակցության նախագահ </p> <p>Խաչիկ Մայիսի Ասրյան</p>	<p>Տպագրված է 3 (երեք) օրինակից Օրինակ 3 Գրանցված է Հայաստանի Հանրապետության արդարադատության նախարարության աշխատակազմի իրավաբանական անձանց պետական ռեգիստրի գործակալության կողմից «23» <i>թյուրսի</i> 2018 թ.</p> <p>Գրանցման համար <i>211.182.1033678</i></p> <p>ՀՎՀՀ <i>02275464</i></p> <p> <i>Էկրանցյալ</i></p>
---	---

**«ՀԱՅՈՑ ԱՐԾԻՎՆԵՐ.
ՄԻԱՍՆԱԿԱՆ ՀԱՅԱՍՏԱՆ»
ԿՈՒՍԱԿՑՈՒԹՅՈՒՆ
ԾՐԱԳԻՐ**

ԵՐԵՎԱՆ 2018

«ՀԱՅՈՑ ԱՐԾԻՎՆԵՐ. ՄԻԱՄՆԱԿԱՆ ՀԱՅԱՍՏԱՆ»
կուսակցության (այսուհետ՝ «ՀԱՄՀ» կուսակցություն)
բնութագիրը

1. Իր տեսակով, աշխարհայացքով և գործունեությամբ՝ ազգային քրիստոնյա կուսակցություն է:
2. Գաղափարախոսությունն ազգային-պետական-հայրենասիրական է՝ որպես հայ տեսակի պահպանման և հզորացման հիմք:
3. Որդեգրած կարգախոսն է՝ «Աստված, Հայ ազգ, Հայաստան»՝ որպես համայն հայության միասնության հիմք:
4. Առաքելությունը հայապահպանությունն է և հայ ազգի ու հայոց պետականության արտաքին անվտանգության ապահովումը:
5. Գերակայությունն օրենքի իշխանությունն է:
6. Կառուցող հասարակարգը սոցիալական-իրավական է:
7. Նպատակն է՝ ունենալ անվտանգ, ապահով, միասնական Հայաստան, որի անվտանգության, կայունության և զարգացման կարևորագույն հիմքը մարդն է, Հայաստանի Հանրապետության քաղաքացին, հայ ընտանիքը, Հայ Առաքելական Եկեղեցին:
8. Առանցքային ինդիր-նպատակներից են՝ օրինական սեփականության անձեռնմխելիության երաշխավորումը և ազգային ու շուկայական ազատ տնտեսության կառուցումն ու զարգացումը:
9. Պարտականություններից են՝ նպաստելն ու աջակցելը հայոց ազգային բանակի ամրապնդմանն ու հզորացմանը, բանակ-հասարակություն կապի անընդհատ ամրապնդմանը, հայոց զինվորականի և հայ զինվորի մարտունակ ոգու պահպանմանն ու հզորացմանը, հայոց զինվորականի և հայ զինվորի սոցիալական վիճակի անընդհատ բարելավմանը, պատանիների, երիտասարդների և միջին տարիքի մարդկանց շրջանում հայրենասիրության, ռազմահայրենասիրության դաստիարակության ամրապնդմանը:
10. Համոզմունքն է՝ հայոց պետությունն ամենամեծ միջոցն է հայ ազգի համախմբումը, նրա անվտանգությունը, առաջընթացը, զարգացումն ու հզորացումը ապահովելու և Հայկական բարձրավանդակն անսասան պահելու համար:
11. Ձգտումն է՝ Հայաստանի Հանրապետության Սահմանադրության և օրենքների շրջանակներում, ժողովրդավարական ընտրությունների միջոցով, ապահովել ՀԱՄՀ-ի ներկայացվածությունը Հայաստանի Հանրապետության Ազգային ժողովում, պետական կառավարման և տեղական ինքնակառավարման մարմիններում և այդ ճանապարհով մասնակցելն Ազգային ժողովի, պետական իշխանության (օրենսդիր, գործադիր, դատական մարմիններ) և տեղական ինքնակառավարման մարմինների ձևավորմանը, պետական քաղաքականության մշակմանն ու Հայաստանի Հանրապետության իշխանությունների կազմավորման և կառավարման գործընթացին:
12. Ամբողջ ծրագիրը և կանոնադրության բոլոր նպատակներն ու ինդիկները նույնությամբ իրականացնելու միակ ուղին մասնակցելն ու հաղթելն է Հայաստանի Հանրապետությունում տեղի ունենալիք Ազգային Ժողովի հերթական կամ արտահերթ ընտրություններում և Հայաստանի Հանրապետությունում նոր իշխանություն ձևավորելը:

**«ՀԱՅՈՑ ԱՐԾԻՎՆԵՐ. ՄԻԱՄՆԱԿԱՆ ՀԱՅԱՍՏԱՆ» ԿՈՒՍԱԿՑՈՒԹՅԱՆ
ՕՐԱԳՐԻ ԵՐԿՈՒ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ**

1. Հայաստանի Հանրապետության ներքին քաղաքականություն:
2. Հայաստանի Հանրապետության արտաքին քաղաքականություն և արտաքին անվտանգություն:

**1. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ՔԱՂԱՔԱԿԱՆՈՒԹՅՈՒՆ**

«Հայոց Արծիվներ. Միասնական Հայաստան» կուսակցության գործունեության ներքին քաղաքականությունը բացառապես ուղղված է մարդու, հայ ընտանիքի, հայոց ազգային բանակի, քրիստոնյա Հայաստանի, արցախահայության, Հայաստանի Հանրապետության օրինապաշտ քաղաքացու բարեկեցության անընդհատ զարգացմանը, մարդու իրավունքների պաշտպանմանն ու նրա գործունեության ապահովմանը, որոնք կուսակցությունն իրականացնելու է ծրագրային իր տարբերակով, այն է՝

1. Անասան հավատ առ Աստված, հայաստանակենտրոն քաղաքացիներ, անընդհատ զարգացող ազգային և շուկայական ազատ տնտեսություն, անընդմեջ հզորացող ազգային բանակ. ահա՛ հայոց ազգային անկախ պետականության բանաձևը:
2. Կառուցել հայոց ազգային անկախ պետականություն՝ սոցիալական-իրավական հասարակարգով, և նպաստել հայոց ազգային անկախ պետականության ամրապնդմանը, զարգացմանն ու հզորացմանը և ազգային, պետական խնդիրների լուծմանը:
3. Աջակցել Հայաստանի Հանրապետության պետական սահմանների՝ հայոց սուրբ հողի պաշտպանությանը:
4. Նպաստել Հայաստանի Հանրապետության՝ որպես ինքնիշխան, ժողովրդավարական, սոցիալական և իրավական պետության, ամրապնդմանն ու զարգացմանը:
5. Նպաստել և աջակցել Հայ Առաքելական Եկեղեցու կողմից իրականացվող օրինաբեր գործունեությանը, քրիստոնեության ամրապնդմանն ու տարածմանը:
6. Նպաստել Հայաստանի Հանրապետության քաղաքական համակարգի ամրապնդմանն ու զարգացմանը:
7. Նպաստել և աջակցել քաղաքացիական հասարակության ամրապնդմանն ու զարգացմանը:
8. Նպաստել և աջակցել մարդու, Հայաստանի Հանրապետության քաղաքացու իրավունքների պաշտպանությանը, պարտականությունների կատարմանը:
9. Նպաստել և աջակցել հասարակության շրջանում կանանց դերի բարձրացմանը, ավանդապաշտ հայ ընտանիքի պահպանմանն ու ամրապնդմանը:
10. Նպաստել և աջակցել Հայաստանի Հանրապետությունում բնակվող և Հայաստանի Հանրապետության քաղաքացի հանդիսացող այլ ազգերի քաղաքացիների և նրանց կողմից հիմնադրված կազմակերպությունների հայակենտրոն գործունեությանը:
11. Նպաստել հայ ժողովրդի պատմամշակութային արժեքների վերականգնմանը, պահպանմանն ու տարածմանը:

12. Անողոք պայքար մղել կոռուպցիայի և կաշառակերության դեմ և արմատախիլ անել դրանք:
13. Ստեղծել պետական կոմիտե (կամ պետական գերատեսչություն), որի գործունեության գերնպատակը կլինի ոչ միայն անողոք պայքարը կոռուպցիայի ու կաշառակերության դեմ և դրանց արմատախիլ անելը, այլ նաև 1990 թվականի օգոստոսի 23-ից՝ Հայաստանի անկախության հռչակագրի հրապարակման օրվանից, մինչև այսօր Հայաստանի Հանրապետության սեփականության մասնավորի սեփականաշնորհումն ամբողջությամբ ուսումնասիրելը և մասնավորի անօրինական սեփականաշնորհումներին իրավական ամբողջական գնահատական տալը:
14. Լրջագույնս ուսումնասիրել Հայաստանի Հանրապետության ամբողջ ընդերքի գործունեությունը, ամբողջ ընդերքի ահռելի եկամուտն ու ահռելի շահույթը. խիստ անհրաժեշտ է Հայաստանի Հանրապետության ամբողջ ընդերքի բացառապես ազգայնացում, այն է՝ տնօրինում է միայն Հայաստանի Հանրապետության կառավարությունը, որից ստացված ամբողջ շահույթը փոխանցվում է Հայաստանի Հանրապետության պետական բյուջե:
15. Կառուցել ազգային (ամբողջ ընդերքի բացառապես ազգայնացում) և շուկայական ազատ տնտեսություն:
16. Նպաստել և աջակցել Հայաստանի Հանրապետության տնտեսության բոլոր ոլորտների անընդհատ զարգացմանը:
17. Օրական 24-ժամյա ռեժիմով՝ ստեղծել, աշխատեցնել և անընդհատ հզորացնել և՛ թեթև, և՛ ծանր արդյունաբերության բոլոր ճյուղերը՝ ստեղծելով նաև բազմահազար աշխատատեղեր:
18. Նպաստել և աջակցել Հայաստանի Հանրապետության կրթության և գիտության զարգացմանը, Հայաստանի Հանրապետության կառավարության ենթակայության տակ գտնվող ռազմարդյունաբերության անընդհատ հզորացմանը և, օրական 24-ժամյա ռեժիմով, ստեղծել, աշխատեցնել, անընդհատ հզորացնել հայրենական ռազմարդյունաբերության ամբողջ համակարգը՝ ստեղծելով նաև բազմահազար աշխատատեղեր:
19. Նպաստել և աջակցել հայոց պետության անվտանգության գլխավոր երաշխիքի՝ ատոմային գիտության, ստեղծմանն ու զարգացմանը, որն էլ Հայաստանի Հանրապետության տնտեսության անընդհատ զարգացման և ազգային բանակի անընդհատ հզորացման հիմնասյունն է:
20. Վերացնել արհեստական մոնոպոլիաները:
21. Ստեղծել պայմաններ փոքր և միջին բիզնեսի զարգացման համար՝ նպաստելով նոր աշխատատեղերի ստեղծմանը:
22. Նպաստել և աջակցել սոցիալ-տնտեսական զարգացման համալիր ծրագրերի մշակմանն ու իրականացմանը:
23. Հայաստանի Հանրապետությունում գործող տնտեսվարող կազմակերպություններին շնորհել Հայաստանի Հանրապետության օրենքով սահմանված հարկային և մաքսային արտոնություններ՝ նույն տնտեսվարող կազմակերպությունների կողմից ներկայացված և Հայաստանի Հանրապետության կառավարության կողմից հավանության արժանացած ծրագրերի համար:
24. Պաշտպանել պետական և մասնավոր աշխատողների իրավունքները:
25. Հայաստանի Հանրապետությունում նախադպրոցական, հանրակրթական, նախնական (արհեստագործական), միջին մասնագիտական և բարձրագույն հաստատությունների կրթությունը պետական արժեհամակարգի հիմնասյունն է,

- ուստի Հայաստանի Հանրապետությունում սերունդներ դաստիարակելու և կրթելու առաքելությունն իրականացնելու, ինչպես նաև կրթության որակն ու կրթության արդյունավետությունն անընդհատ բարձրացնելու պատասխանատվությունը բացառապես պետք է կրի Հայաստանի Հանրապետությունն ի դեմս Հայաստանի Հանրապետության կառավարության:
26. Հայաստանի Հանրապետությունում նախադպրոցական տարիքի երեխաների համար նախատեսված և գործող բոլոր նախակրթարանները, բոլոր մանկապարտեզները, ինչպես նաև հանրակրթական բոլոր դպրոցները, նախնական (արհեստագործական), միջին մասնագիտական և բարձրագույն ուսումնական բոլոր հաստատությունները պետք է լինեն բացառապես պետական կազմակերպություններ, և Հայաստանի Հանրապետության քաղաքացիների համար Հայաստանի Հանրապետության կառավարությունը պետք է ապահովի բացառապես անվճար կրթություն:
 27. Նպաստել և աջակցություն ցուցաբերել նախադպրոցական, հանրակրթական, նախնական (արհեստագործական), միջին մասնագիտական և բարձրագույն ուսումնական հաստատությունների հայակենտրոն գործունեությանը:
 28. Նպաստել և աջակցել հանրակրթական բոլոր դպրոցների մարզադահլիճների և ռազմագիտության դասարանների արդիականացմանը, ինչպես նաև համայնքներում կառուցել լողավազաններ:
 29. Նպաստել և աջակցություն ցուցաբերել Երևան քաղաքում և Հայաստանի Հանրապետության բոլոր մարզերում գործող բոլոր հիվանդանոցների, բժշկական կազմակերպությունների արդյունավետ գործունեությանը, ինչպես նաև բժշկական սարքավորումների արդիականացմանը:
 30. Հայաստանի Հանրապետության քաղաքացու համար բուժօգնությունը և բժշկական ցանկացած ծառայությունից օգտվելը դարձնել բացառապես անվճար՝ իրականացնելով պետական բժշկական ապահովագրություն, որի ֆինանսավորումը կապահովի Հայաստանի Հանրապետության կառավարությունը:
 31. Հայաստանի Հանրապետության բոլոր բնակավայրերում բնակչության համար ստեղծել առանձնահատուկ պայմաններ՝ առողջ ապրելակերպով զբաղվելու համար:
 32. Ցուցաբերել աննախադեպ աջակցություն ծնելիության մակարդակի բարձրացմանը. Հայաստանի Հանրապետության յուրաքանչյուր քաղաքացու ընտանիքում ծնված առաջին երեխայի համար հատկացնել միանվագ մեկ միլիոն դրամ և, մինչև երեխայի տասնվեց տարին լրանալը, ամեն ամիս հատկացնել հիսուն հազար դրամ: Նույն ընտանիքում ծնված երկրորդ երեխայի համար՝ միանվագ՝ մեկուկես միլիոն դրամ և, մինչև երեխայի տասնվեց տարին լրանալը, ամեն ամիս՝ հիսուն հազար դրամ: Նույն ընտանիքում ծնված երրորդ և ավելի երեխաներից յուրաքանչյուրին՝ միանվագ՝ երկու միլիոն դրամ և, մինչև տասնվեց տարին լրանալը, յուրաքանչյուր երեխայի, ամեն ամիս՝ հիսուն հազար դրամ:
 33. Առաջիկա հինգ տարիների ընթացքում, նվազագույնը երկու անգամ, ավելացնել կենսաթոշակները:
 34. Առաջիկա հինգ տարիների ընթացքում, նվազագույնը երկու անգամ, բարձրացնել կրթության, գիտության, մշակույթի, արվեստի, գրականության, սպորտի ոլորտներում աշխատող աշխատակիցների աշխատավարձը:
 35. Առաջիկա հինգ տարիների ընթացքում, նվազագույնը երկու անգամ, բարձրացնել պաշտպանության, արտակարգ իրավիճակների նախարարությունների, ոստիկանության, ազգային անվտանգության ծառայության, դատախազության, քննչական կոմիտեի, հատուկ քննչական ծառայության ծառայողների և

քաղաքացիական աշխատակիցների, բոլոր դատարանների դատավորների ու քաղաքացիական աշխատակիցների աշխատավարձը:

36. Առաջիկա հինգ տարիների ընթացքում, նվազագույնը երկու անգամ, բարձրացնել Հայաստանի Հանրապետության պաշտպանության նախարարության ենթակայության տակ գտնվող զորամասերի հրամանատարների, սպաների, ենթասպաների, պայմանագրային զինծառայողների և քաղաքացիական աշխատակիցների աշխատավարձը:
37. Առաջիկա հինգ տարիների ընթացքում, նվազագույնը երեք անգամ, բարձրացնել Հայաստանի Հանրապետության և Ադրբեջանի Հանրապետության, Հայաստանի Հանրապետության և Նախիջևանի, Արցախի Հանրապետության և Ադրբեջանի Հանրապետության սահմանները պաշտպանող, Հայաստանի Հանրապետության պաշտպանության նախարարության ենթակայության տակ գտնվող բոլոր զորամասերի հրամանատարների, սպաների, ենթասպաների, պայմանագրային զինծառայողների և քաղաքացիական աշխատակիցների աշխատավարձը:
38. Նպաստել և աջակցել հայոց ազգային բանակում ծառայող յուրաքանչյուր զինվորի բարեկեցության մակարդակի անընդհատ բարձրացմանը, զինվորի բարոյահոգեբանական և մարտունակ վիճակի պահպանմանն ու հզորացմանը:
39. Հայաստանի Հանրապետության և Արցախի Հանրապետության սահմանների պաշտպանության համար մարտիրոսված զինվորականների և կամավորականների ընտանիքների համար սահմանել ցմահ թոշակ՝ ներկայումս տրվող թոշակի կրկնակի չափով:
40. Ցուցաբերել նյութական, բարոյական աջակցություն՝ Հայաստանի Հանրապետությունում բնակվող, գոհված և հաշմանդամ դարձած ազատամարտիկների, փախստականների ընտանիքներին՝ նպաստելով նրանց սոցիալ-տնտեսական խնդիրների լուծմանը:
41. Հայրենական Մեծ, 1992-94թթ-ի արցախյան, 2016թ-ի ապրիլյան պատերազմների և՛ մասնակիցների, և՛ հաշմանդամ մասնակիցների, ինչպես նաև 1994թ-ից մինչ օրս Հայաստանի Հանրապետության և Արցախի Հանրապետության սահմանների պաշտպանության ժամանակ վիրավորված անձանց համար, Հայաստանի Հանրապետության ողջ տարածքում մարդատար տրանսպորտից օգտվելը դարձնել անվճար:
42. Նպաստել և աջակցել պատանիների, երիտասարդների, միջին տարիքի և տարեց մարդկանց իրավունքների և օրինական շահերի պաշտպանությանը, սոցիալական վիճակի բարելավմանը:
43. Նպաստել և աջակցել բնության պահպանմանը, բնապահպանական գործունեությանը:
44. Նպաստել և աջակցել գյուղատնտեսության բոլոր ճյուղերի արդյունավետ գործունեությանը և գյուղապահպանությանը:
45. Նպաստել և աջակցել Հայաստանի Հանրապետության սահմանամերձ համայնքների հիմնախնդիրներին և այդ համայնքների համար սահմանել արտոնություններ:
46. Նպաստել և աջակցություն ցուցաբերել զբոսաշրջության՝ տուրիզմի, սպորտային տուրիզմի տարածմանն ու զարգացմանը:
47. Դադարեցնել Հայաստանի Հանրապետության համայնքների խոշորացման ծրագիրը և վերականգնել բոլոր խոշորացված համայնքներն՝ իրենց նախկին տեսքով, որի արդյունքում դարձյալ կավելանան աշխատատեղեր:

48. Նպաստել և աջակցել Հայաստանի Հանրապետության համայնքների ավագանիների դերի բարձրացմանն ու համայնքների ավագանիների գործունեության արդյունավետությանը:
49. Բարձրացնել Հայաստանի Հանրապետության պետական պաշտոնյայի հեղինակությունը, քանզի պետական ազնիվ պաշտոնյան է պետականաշինության անմնացորդ շինարարը:
50. Կանխել արտագաղթը և նպաստել ու աջակցել աշխարհասփյուռ հայության հայրենադարձությանը՝ մայր Հայրենիք:
51. Նպաստել և աջակցել Հայաստանի Հանրապետության և Արցախի Հանրապետության միջև ռազմական, տնտեսական և այլ ոլորտներին վերաբերող համագործակցությանը:
52. Գործնական կապեր հաստատել Հայաստանի Հանրապետությունում գործող կուսակցությունների, բարեգործական հիմնադրամների հետ՝ ակտիվ համագործակցելով համատեղ ծրագրերի իրականացման հարցերով:
53. Նպաստել Հայաստանի Հանրապետությունում գործող հասարակական կազմակերպությունների, այդ թվում նաև հայրենասիրական կազմակերպությունների, երիտասարդական կազմակերպությունների, հայրենակցական միությունների, մարզական, բնապահպանական, գիտական, կրթական, մշակույթի, արվեստի, գրականության հիմնահարցերով զբաղվող, հաշմանդամների խնդիրներով զբաղվող կազմակերպությունների համախմբմանը՝ ի նպաստ հայոց պետության զարգացման, հզորացման, ազգային, հոգևոր կյանքի ամրապնդման:
54. Նպաստել և աջակցել Հայաստանի Հանրապետությունում գործող արդարության և ճշմարտության անձնագիր ունեցող, արատավոր և հայակործան երևույթների դեմ անհանդուրժող և անողոք պայքար մղող, անաչառության, միայն և միայն ճշմարտության քարոզչության ու ճշմարտությունը խիզախորեն ներկայացնող զանգվածային լրատվամիջոցների գործունեությանը՝ ի դեմս հնարագետ խմբագիրների, լրագրողների:
55. Ուշադրություն և աջակցություն ցուցաբերել Հայաստանի Հանրապետության և Թուրքիայի Հանրապետության, Հայաստանի Հանրապետության և Իրանի Իսլամական Հանրապետության, Հայաստանի Հանրապետության և Ադրբեջանի Հանրապետության, Հայաստանի Հանրապետության և Նախիջևանի սահմանագծում կանգնած՝ Հայաստանի Հանրապետությունը պաշտպանող սահմանապահ զորքերին:

Արցախի Հանրապետություն

- Աջակցել Արցախի Հանրապետության պետական սահմանների՝ հայոց սուրբ հողի պաշտպանությանը.
- ցուցաբերել նյութական, բարոյական աջակցություն՝ Արցախի Հանրապետությունում բնակվող, զոհված և հաշմանդամ դարձած ազատամարտիկների, փախստականների ընտանիքներին՝ նպաստելով նրանց սոցիալ-տնտեսական խնդիրների լուծմանը.
- ուշադրություն և աջակցություն ցուցաբերել Արցախի Հանրապետության և Ադրբեջանի Հանրապետության սահմանագծում կանգնած Արցախի Հանրապետությունը պաշտպանող սահմանապահ զորքերին.

- նպաստել և աջակցել Արցախի Հանրապետության և Հայաստանի Հանրապետության միջև ռազմական, տնտեսական և այլ ոլորտներին վերաբերող համագործակցություններին.
- գործնական կապեր հաստատել Արցախի Հանրապետությունում գործող կուսակցությունների, հասարակական կազմակերպությունների, բարեգործական հիմնադրամների հետ՝ ակտիվ համագործակցելով համատեղ ծրագրերի իրականացման հարցերով.
- Հայաստանի Հանրապետության իշխանությունը պետք է ճանաչի Արցախի Հանրապետության անկախությունը որպես ինքնիշխան պետության (կամ Հայաստանի Հանրապետության և Արցախի Հանրապետության քաղաքացիների հանրաքվեի մասնակցության միջոցով կամ Հայաստանի Հանրապետության Ազգային ժողովի պատգամավորների քվեարկության միջոցով), այնուհետև, Հայաստանի Հանրապետության և Արցախի Հանրապետության վերամիավորման հարցով, Հայաստանի և Արցախի Հանրապետությունների քաղաքացիների հանրաքվեի անցկացում:

2. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ՔԱՂԱՔԱԿԱՆՈՒԹՅՈՒՆ ԵՎ ԱՐՏԱՔԻՆ ԱՆՎՏԱՆԳՈՒԹՅՈՒՆ

«Հայոց Արծիվներ. Միասնական Հայաստան» կուսակցության արտաքին քաղաքականության նպատակներից է աշխարհասփյուռ հայերի համախմբումը, նրանց անվտանգության ապահովումը, Հայաստան-Սփյուռք կապի ամրապնդումը, ինչպես նաև սփյուռքում բնակվող հայ մարդու, հայ ընտանիքի հայաստանակենտրոն գործունեության ապահովումն ու ամրապնդումը:

Սփյուռքահայություն

- Նպաստել և աջակցել աշխարհասփյուռ հայության հայրենադարձությանը՝ մայր Հայրենիք.
- ցուցաբերել նյութական, բարոյական աջակցություն՝ սփյուռքում բնակվող զոհված և հաշմանդամ դարձած ազատամարտիկների, փախստականների ընտանիքներին՝ նպաստելով նրանց սոցիալ-տնտեսական խնդիրների լուծմանը.
- գործնական կապեր հաստատել օտարերկրյա պետություններում, ինչպես նաև՝ սփյուռքահայության մեջ գործող կուսակցությունների, հասարակական կազմակերպությունների, բարեգործական հիմնադրամների հետ՝ ակտիվ համագործակցելով համատեղ ծրագրերի իրականացման հարցերով:

Արտաքին հարաբերություններ, արտաքին անվտանգություն և հարևան պետություններ

Անբեկանելի է, որ 21-րդ դարում Երկիր մոլորակում չկա որևէ պետության մեջ գործող մի կուսակցություն, որն իր ժողովրդի և իր պետության անվտանգության և վերջինիս հզորացման համար չունենա դաշնակից-բարեկամ պետություն, որն էլ ենթադրում է արտաքին քաղաքականության կողմնորոշվածություն:

Այո՛, «Հայոց Արժիվներ. Միասնական Հայաստան» կուսակցությունն, իր ստեղծման պահից, շատ լավ գիտակցում է և համոզված է, որ, բացառապես Ռուսաստանի Դաշնության հետ՝ ի դեմս քրիստոնյա ռուս ժողովրդի, պետք է առաջ շարժվենք և հզորացնենք Հայաստանն ու Ռուսաստանը՝ որպես հավատարիմ, անդավաճան քրիստոնյա եղբայրների և դաշնակից-բարեկամ պետությունների: Հայերիս ի վերուստ տրված հայկական բարձրավանդակում խաղաղություն ապահովելը բացառապես կախված է Հայաստանի և Ռուսաստանի ազնիվ, անփոխարինելի բարեկամությունից, հետևաբար, պետք է՝

- նպաստել և աջակցել քրիստոնյա հայ և ռուս ժողովուրդների՝ դաշնակից-բարեկամ պետությունների՝ Հայաստանի Հանրապետության և Ռուսաստանի Դաշնության ազնիվ ու անփոխարինելի բարեկամության անընդհատ ամրապնդմանն ու հզորացմանը.
- նպաստել և աջակցել Հայաստանի Հանրապետության և Ռուսաստանի Դաշնության միջև պետական իշխանությունների (օրենսդիր, գործադիր, դատական մարմիններ) կողմից պաշտոնապես կնքված ռազմական, քաղաքական, տնտեսական և մյուս ոլորտներին վերաբերող բոլոր միջազգային պայմանագրերի կատարմանը, պահպանմանն ու նոր՝ առավել արդյունավետ պայմանագրերի կնքմանը.
- նպաստել և աջակցել Հայաստանի Հանրապետության և Ռուսաստանի Դաշնության միջև տնտեսության բոլոր ճյուղերին վերաբերող համատեղ ծրագրերի իրականացմանը, ինչպես նաև՝ նոր ծրագրերի ստեղծմանն ու իրագործմանը.
- նպաստել և աջակցել Հավաքական Անվտանգության Պետությունների Կազմակերպության (ՀԱՊԿ) արդյունավետ գործունեությանն ու հեղինակության բարձրացմանը.
- նպաստել և աջակցել Եվրասիական Տնտեսական Միության (ԵԱՏՄ) արդյունավետ գործունեությանն ու հեղինակության բարձրացմանը.
- Հայաստանի Հանրապետության ռազմաքաղաքական և տնտեսական արտաքին գործունեությունը միայն ու միայն պետք է լինի Հավաքական Անվտանգության Պետությունների Կազմակերպության (ՀԱՊԿ) և Եվրասիական տնտեսական միության (ԵԱՏՄ) մեջ.
- նպաստել Հայաստանի Հանրապետության և Իրանի Իսլամական Հանրապետության միջև կնքված պետական բոլոր պայմանագրերի կատարմանը, պահպանմանն ու, որպես հարևան պետությունների, նոր՝ առավել արդյունավետ պայմանագրերի կնքմանը: Շարունակել և զարգացնել երկու պետությունների միջև առկա բարեկամական հարաբերությունները.
- նպաստել Հայաստանի Հանրապետության և Վրաստանի Հանրապետության միջև կնքված պետական բոլոր պայմանագրերի կատարմանը, պահպանմանն ու, որպես հարևան պետությունների, նոր՝ առավել արդյունավետ պայմանագրերի կնքմանը: Շարունակել և զարգացնել երկու պետությունների միջև առկա բարեկամական հարաբերությունները.
- հայ-թուրքական սահմանը բացել միայն Հայաստանի Հանրապետության իշխանության կողմից առաջ քաշված մեկ պայմանով. Հայաստանի Հանրապետության իշխանության կողմից երբեք չընդունել, չճանաչել ներկայիս Թուրքիայի Հանրապետության տարածքային ամբողջականությունը.

- Թուրքիայի Հանրապետությունը պետք է ճանաչի նոր Հայաստանի Հանրապետության տարածքային ամբողջականության մեր պահանջը, այն է՝ հայկական Էրզրումը, հայկական Տրապիզոնը վերամիավորել մայր Հայաստանին՝ դեպի ծով և օվկիանոս տանող ճանապարհի բացելով, որի արդյունքում, Երկիր մոլորակում բնակվող բոլոր քրիստոնյաների համար, Բիբլիական Արարատ լեռը կդարձնենք ուխտատեղի:
- Ադրբեջանի Հանրապետությունը պետք է ճանաչի Արցախի Հանրապետության տարածքային ամբողջականությունը, Արցախի Հանրապետության անկախությունը:
- Ադրբեջանի Հանրապետությունը պետք է ճանաչի նոր Հայաստանի Հանրապետության տարածքային ամբողջականության մեր պահանջը, այն է՝ հայկական Նախիջևանը վերամիավորել մայր Հայաստանին:
- «Հայոց Արծիվներ. Միասնական Հայաստան» կուսակցությունը պատրաստ է ազնիվ համագործակցել Երկիր մոլորակի բոլոր այն պետությունների հետ, որոնք Հայաստանի Հանրապետության հետ կվերաբերվեն՝ հավասարը հավասարի, և, ո՛չ գաղտագողի, ո՛չ էլ հրապարակավ, չեն խարխլի, չեն թուլացնի Հայաստանի Հանրապետության, հայոց ազգային բանակի, հայ ընտանիքի անսասան բարոյական հիմքերը և երբևէ չեն փորձի Հայաստան ներմուծել այլասերված, հայակործան ծրագրեր:
«Հայոց Արծիվներ. Միասնական Հայաստան» կուսակցությունը ստեղծելու է կրթական, գիտական, մշակութային, մարզական, վերլուծական, սոցիոլոգիական, տեղեկատվական և այլ կենտրոններ, օրենքով սահմանված կարգով լրատվամիջոցներ՝ այդ թվում՝ հեռուստաընկերություններ, տպագիր մամուլ, էլեկտրոնային կայքեր, ինչպես նաև ապահովելու է առցանց ներկայություն և աջակցելու է վերոնշյալ բոլոր ոլորտների գործունեությանն ու հրապարակելու, հանրայնացնելու է բոլոր խնդիրները, կատարված և կատարվող բոլոր աշխատանքները:

Սույն ծրագիրը ընդունված է 2018 թվականի հունիսի 23-ին և բաղկացած է 10 (տասը) էջից: